

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1795/23
Sarajevo, 26.06.2023. godine

Z A P I S N I K
2. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 26.06.2023. godine

Sjednica je počela sa radom u 12:50 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate.

Predsjedavajući je također pozdravio prisutne članove Vlade FBiH i potpredsjednika Federacije BiH gospodina Igora Stojanovića.

Izostanak sa sjednice najavili su sljedeći delegati: Dragana Damjanović, Goran Bročeta, Nikola Materić, Branka Cvijetić, Sanela Klarić i Senad Alić.

Prema evidenciji Stručne službe sjednici prisustvuje 66 delegata, što čini većinu, pa Dom naroda može raditi i punovažno odlučivati.

Predsjedavajući je predložio prisutnima da prije prelaska na rad, pristupe usvajanju Zapisnika Konstituirajuće prve sjednice Doma naroda Parlamenta FBiH.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez suzdržanih glasova i bez glasova protiv, usvojio Zapisnik Konstituirajuće sjednice.

Predsjedavajući je prije utvrđivanja dnevnog reda, saopštio da delegati ako žele na osnovu člana 104. Poslovnika o radu Doma naroda, mogu postavljati delegatska pitanja ili pokretati Inicijative.

Emir Dautović je podnio dvije Inicijative.

Prvu Inicijativu je uputio Ministarstvu vanjskih poslova, gospodinu Konakoviću, Ministarstvu sigurnosti, gospodinu Nikšiću, kao i predsjedniku HDZ-a BiH, gospodinu Čoviću za održavanje jednog radnog sastanka u Velikoj Kladuši radi zadržavanja građana na graničnom prijelazu Maljevac.

Drugu inicijativu je uputio predsjedavajućem Doma naroda Parlamenta FBiH, da Inicijativu o osudi svih osuđenih ratnih zločinaca i ograđivanje od istih stavi na glasanje, te smatra da treba da se donese odluka o osudi veličanja zločinaca i zločina.

Aida Obuća je postavila dva delegatska pitanja.

Prvo pitanje je postavila Vladi Federacije BiH, Ministarstvu prometa i komunikacija FBiH, FMF i Javnom preduzeću Autoceste FBiH, a vezano za realizaciju projekta izgradnje brze ceste Prača - Goražde.

Također je zatražila dostavljanje informacija u kojoj fazi je realizacija projekta, koje ugovorne obaveze su izvršene, koliko je novčanih sredstava upućeno, da li se BPK-a Goražde, odnosno nadležno Ministarstvo za privredu, obraćalo nadležnim institucijama i ako jesu koji su pismeni akti upućeni, te na osnovu koje odluke nadležnih organa FBiH je upućen mail na adresu BPK-a Goražde Ministarstvo za privredu iz Javnog preduzeća Autoceste FBiH.

Drugo pitanje je postavila Vladi FBiH, Ministarstvu pravde, Ministarstvu za rad i socijalnu politiku i Ombudsmenu za ljudska prava vezano za fazu implementacije presude Evropskog suda za ljudska prava u predmetu Hadžimejlić i ostali protiv BiH od 3.11.2015. godine.

Irfan Čengić je postavio dva delegatska pitanja.

Prvo pitanje je postavio federalnom ministru pravde vezano za dostavljanje Nacrta zakona o sukobu interesa u parlamentarnu proceduru.

Drugo pitanje je postavio resornom ministru vezano za dostavljanje Zakona o južnoj interkonekciji u parlamentarnu proceduru.

Ivan Ivić je podnio Inicijativu prema Ministarstvu poljoprivrede, vodoprivrede i šumarstva FBiH odnosno Vladi Federacije BiH vezano za isplatu poticajnih sredstava poljoprivrednim proizvođačima za koje je utvrđeno da su ostvarili realnu proizvodnju zavedenu u registar poljoprivrednih društava, a koji su zakasnili iz objektivnih ili subjektivnih razloga izvršiti prijavu planirane proizvodnje na PPP obrascu.

Belma Kapo je podnijela Inicijativu prema Ministarstvu zdravstva FBiH vezano za upućivanje u parlamentarnu proceduru Nacrta zakona o biohemijskoj djelatnosti.

Ivica Pavković je uputio Inicijativu prema Vladi FBiH da se u parlamentarnu proceduru hitno pokrenu izmjene i dopune Zakona o unutrašnjoj trgovini ili izmjene Zakona o radu.

Almir Babajić je postavio dva delegatska pitanja.

Prvo pitanje je postavio Federalnom Ministarstvu rada i socijalne politike, gospodinu Deliću i Ministarstvu finansija, gospodinu Kraljeviću da li su upoznati da 2 500 građana ZDK-a nisu dobili jednokratnu pomoć po osnovu Uredbe o pomoći stanovništva uslijed rasta indeksa potrošačkih cijena.

Drugo pitanje je postavio u vezi potrebe usaglašavanja Zakona o Agencijama i unutrašnjim službama za zaštitu ljudi i imovine i Zakona o obrtu i srednjim djelatnostima, iz razloga jer su u koliziji i stvaraju velike probleme ljudima koji se odlučuju za tu vrstu djelatnosti.

Mehmed Memišević je podnio dvije Inicijative.

Prvu Inicijativu je uputio prema Vladi FBiH za donošenje odluke o dodjeli hitne pomoći za ublaženje posljedica elementarnih nepogoda.

Drugu Inicijativu je također uputio Vladi Federacije BiH vezano za pomoć od 150 hiljada KM odbojkaškom Savezu FBiH za organizaciju priprema nastupa seniorske reprezentacije u ligi grupa A.

Jelena Pekić je uputila Inicijativu prema Ministarstvu rada i socijalne politike kojom traži da se pristupi analizi realizacije dosadašnjih strateških dokumenata kao i donošenju novih strategija, od kojih je prva Strategija za unapređenje prava i položaja osoba sa invaliditetom u FBiH, a druga je Strategija deinstitucionalizacije i transformacije ustanova socijalne zaštite u FBiH.

Vibor Handžić je podnio tri inicijative.

Prvu Inicijativu je uputio prema Ministarstvu pravde Federacije BiH u vezi dodatnog kadrovskog i materijalnog kapacitiranja Zavoda za javnu upravu FBiH kao jednog od obaveznih koraka za ukupnu reformu javne uprave u FBiH.

Druga Inicijativa je povezana sa diskusijom na temu o Budžetu Federacije BiH za 2023. godinu, a odnosi se na dodatno kadrovsko i materijalno kapacitiranje Ureda Vlade Federacije za evropske integracije.

Treća Inicijativa se odnosi na Zakon o zaštiti od nasilja u porodici, a u vezi sa dostavom urgencije za sve kantone koji nisu dostavili mišljenje o ovom zakonu.

Miomirka Melank je podnijela Inicijativu koja se odnosi na djelatnike u lancu kulturne distribucije, a u vezi s ovom Inicijativom traži da se u Federaciji odredba o obaveznom otvaranju računa gostujućih umjetnika i samostalnih djelatnika iz drugih oblasti promijeni i da se omogući plaćanje honorara umjetnicima na njihove račune u matičnim državama.

Damir Marjanović je postavio dva delegatska pitanja.

Prvo pitanje je postavio federalnom ministarstvu za obrazovanje i nauku u vezi planiranja pokretanja revizije udžbenika i da li će u tim udžbenicima shodno svojim ustavnim nadležnostima insistirati na modernizaciji i optimizaciji.

Drugo pitanje je također postavio federalnom ministarstvu za obrazovanje vezano za kriterije po kojima će se dijeliti novac za nauku i da li će se finansirati kvalitet i na osnovu toga tražiti neka konkretna rješenja.

Nakon toga, prešlo se na utvrđivanje dnevnog reda.

Predsjedavajući je iznio dostavljeni akt premijera Nermina Nikšića koji traži od Doma naroda Parlamenta Federacije BiH da se odgodi razmatranje Prijedloga zakona o električnoj energiji Federacije BiH, Prijedlog zakona o korištenju obnovljivih izvora i

učinkovite kogeneracije i Prijedlog zakona o energiji i regulaciji energetske djelatnosti u Federaciji BiH.

U raspravi oko dnevnog reda učestvovali su Haris Zahiragić, Tomislav Martinović, Emir Dautović, Damir Džeba, Nezim Alagić, Irfan Čengić, Muamer Zukić, Aida Obuća, Vedrana Vujović, Žarko Vujović, Amir Orlović, Ivica Pavković, Ivan Odak i Vesna Saradžić.

Na osnovu rezultata glasanja, predsjedavajući je konstatovao da je Dom naroda, sa 42 glasa za, šest suzdržanih glasova i 15 glasova protiv prihvatio sljedeći:

D N E V N I R E D

- 1.) Verifikacija mandata delegatima u Domu naroda Parlamenta Federacije BiH,
- 2.) Presuda Ustavnog suda Ustavnog suda Federacije Bosne i Hercegovine U-22/21 od 21. 3. 2023. godine,
- 3.) Presuda Ustavnog suda Ustavnog suda Federacije Bosne i Hercegovine U-19/22 od 5. 4. 2023. godine,
- 4.) Izvještaj o izvršenju programa rada Agencije za reviziju privatizacije u Federaciji BiH za 2022. godinu,
- 5.) Odluke o davanju prethodne saglasnosti na Pravila Ustanove za socijalno zbrinjavanje:
 - a) Odluka o davanju prethodne saglasnosti na Pravila Ustanove za socijalno zbrinjavanje, odgoj i obrazovanje - Sarajevo,
 - b) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Ljubuški,
 - c) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Bakovići,
 - d) Odluka o davanju prethodne saglasnosti na Pravila Ustanove za socijalno zbrinjavanje, zdravstvenu njegu, odgoj i obrazovanje - Pazarić,
 - e) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Drin,
- 6.) Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu,
- 7.) Izvještaj predsjednika Federacije BiH o donesenim odlukama o pomilovanju pravosnažno osuđenih osoba u 2022. godini,
- 8.) Informacija o stanju sigurnosti-kriminaliteta na području Federacije BiH za period januar-decembar 2022. godine,
- 9.) Kvartalni izvještaj o dugu Q4/2022,
- 10.) Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 25.04.2023. godine,
- 11.) Izbor i imenovanja.

1. Verifikacija mandata delegatima u Domu naroda Parlamenta Federacije BiH

Centralna izborna komisija BiH je obavijestila Dom naroda Parlamenta Federacije BiH da je Igoru Stojanoviću, delegatu iz reda srpskog naroda prestao mandat odlaskom na drugu dužnost te je dodijeljen mandat Saši Lukiću, delegatu iz reda srpskog naroda. Također, Uk Nihadu, delegatu iz reda Ostalih, je prestao mandat odlaskom na drugu dužnost te je dodijeljen mandat Dorić Almiru, delegatu iz reda Ostalih. Magoda Kenanu, delegatu iz reda Ostalih je također prestao mandat zbog odlaska na drugu dužnost te je dodijeljen mandat Peštek Enesu, delegatu iz reda Ostalih.

Mandatska - imunitetska komisija je razmatrala ove odluke i dostavila svoj izvještaj.

Predsjednik Komisije, gospodin Ivan Ivić obrazložio je izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 53 glasa za, bez suzdržanih glasova i jednim glasom protiv usvojio sljedeći:

Z A K L J U Č A K

Na osnovu člana 260. Poslovnika o radu Doma naroda Parlamenta Federacije BiH nakon verifikacije mandata i polaganja Svečane zakletve, delegati stiču prava i dužnosti delegata u ovome Domu.

2. Presuda Ustavnog suda Ustavnog suda Federacije Bosne i Hercegovine U-22/21 od 21. 3. 2023. godine

Ustavni sud Federacije BiH dostavio je Parlamentu Federacije Presudu broj: U-22/21 od 21.03.2023. godine kojim je utvrđeno da član 7. stav 2. i 3. Zakona o doprinosima („Službene novine Federacije BiH“ broj: 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23) i član 4. Pravilnika o načinu obračunavanja uplate doprinosa („Službene novine Federacije BiH“ broj: 64/08, 81/08, 98/15, 6/17, 38/17, 39/18, 12/21, 6/22 i 19/23) nisu u skladu sa Ustavom Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez suzdržanih glasova i bez glasova protiv, prihvatio sljedeći:

Z A K L J U Č A K

Zadužuje se premijer Federacije BiH da u skladu sa Ustavom Federacije BiH osigura izvršenje Presude Ustavnog suda Federacije BiH broj: U-22/21 od 21.03.2023. godine.

3. Presuda Ustavnog suda Ustavnog suda Federacije Bosne i Hercegovine U-19/22 od 05. 04. 2023. godine

Ustavni sud Federacije BiH dostavio je Parlamentu Federacije Presudu broj: U-19/22 od 05.04.2023. godine, kojom je utvrđeno da je Zakon o vanrednom usklađivanju penzija ostvarenih po zakonu službi u OS BiH („Službene novine Federacije BiH“ broj: 25/22) nije u skladu sa Ustavom Federacije BiH, jer postupak njegovog donošenja nije proveden u skladu sa Poslovníkom Predstavničkog doma Parlamenta Federacije BiH i Poslovníkom o radu Doma naroda Parlamenta Federacije BiH.

Presudu su razmatrala nadležna radna tijela i dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 54 glasova za, bez suzdržanih glasova i bez glasova protiv, prihvatio sljedeći

Z A K L J U Č A K

Zadužuje se premijer Federacije BiH da u skladu sa Ustavom Federacije BiH osigura izvršenje Presude Ustavnog suda Federacije BiH broj: U-19/22 od 05.04.2023.

4. Izvještaj o izvršenju programa rada Agencije za reviziju privatizacije u Federaciji BiH za 2022. godinu

Izvještaj o izvršenju Programa rada Agencije za reviziju privatizacije u Federaciji BiH za 2022. godinu dostavila je Agencija za reviziju privatizacije u Federaciji BiH u skladu sa Zakonom o reviziji privatizacije državnog kapitala u privrednim društvima i bankama („Službene novine Federacije BiH“, broj: 55/12).

Izvještaj su razmatrala nadležna radna tijela.

Rukovodilac Agencije za reviziju privatizacije, gospodin Vedad Duraković je obrazložio Izvještaj.

U raspravi su učestvovali Ivo Šimunović i Vedad Duraković.

Na osnovu rezultata glasanja, predsjedavajući je konstatovao da je Dom naroda sa 52 glasa za, jednim suzdržanim glasom i jednim glasom protiv, usvojio Izvještaj o izvršenju programa rada Agencije za reviziju i privatizaciju u Federaciji BiH za 2022. godinu.

5. Odluke o davanju prethodne saglasnosti na Pravila Ustanove za socijalno zbrinjavanje:

- a) Odluka o davanju prethodne saglasnosti na Pravila Ustanove za socijalno zbrinjavanje, odgoj i obrazovanje - Sarajevo,
- b) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Ljubuški,
- c) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Bakovići,
- d) Odluka o davanju prethodne saglasnosti na Pravila Ustanove za socijalno zbrinjavanje, zdravstvenu njegu, odgoj i obrazovanje - Pazarić,
- e) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Drin

Vlada Federacije BiH je dostavila odluke Parlamentu Federacije u skladu sa članom 5. stav 4. Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22), radi upoznavanja.

Odluke su razmatrala nadležna radna tijela,

Predstavnik Vlade Federacije BiH, gospodin Miroslav Jurešić obrazložio je Odluke.

U raspravi niko nije učestvovao.

S obzirom da su ovi materijali dostavljeni radi upoznavanja, predsjedavajući je konstatovao da je Dom naroda Parlamenta Federacije primio k znanju Odluke o davanju prethodne saglasnosti na Pravila Ustanova za socijalno zbrinjavanje:

- a) Odluka o davanju prethodne saglasnosti na Pravila Ustanove za socijalno zbrinjavanje, odgoj i obrazovanje - Sarajevo,
- b) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Ljubuški,
- c) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Bakovići,
- d) Odluka o davanju prethodne saglasnosti na Pravila Ustanove za socijalno zbrinjavanje, zdravstvenu njegu, odgoj i obrazovanje - Pazarić i
- e) Odluka o davanju prethodne saglasnosti na Pravila Ustanove za socijalno zbrinjavanje i zdravstvenu njegu - Drin.

6. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu

Na osnovu člana 34. Zakona o ombudsmenima za ljudska prava Bosne i Hercegovine ("Službeni glasnik BiH", br. 19/02, 35/04, 32/06, 38/06 I 50/08) Institucija Ombudsmena za ljudska prava Bosne i Hercegovine je dostavila Parlamentu Federacije BiH Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu.

Izvjestaj su razmatrala nadležna radna tijela.

Predstavnik Institucije Ombudsmena za ljudska prava BiH, gospođa Jasminka Džumhur je obrazložila Izvjestaj.

U raspravi je učestvovala Aida Obuća.

S obzirom da je Izvjestaj dostavljen radi informisanja, predsjedavajući je konstatovao da je Dom naroda Parlamenta Federacije primio k znanju Godišnji izvještaj o rezultatima aktivnosti Institucije ombudsmana za ljudska prava Bosne i Hercegovine za 2022. godinu.

7. Izvjestaj predsjednika Federacije BiH o donesenim odlukama o pomilovanju pravosnažno osuđenih osoba u 2022. godini

Na osnovu člana 20. Zakona o pomilovanju ("Službene novine Federacije BiH", br. 22/09 i 91/15) predsjednik Federacije BiH je dostavio Parlamentu Federacije Izvjestaj o donesenim odlukama o pomilovanju pravosnažno osuđenih osoba u 2022. godini.

Izvjestaj su razmatrala nadležna radna tijela.

Predstavnica Ureda predsjednika Federacije BiH, gospođa Niveska Oroz je obrazložila Izvjestaj.

U raspravi je učestvovao Irfan Čengić.

On je predložio tekst Zaključka vezano za ovu tačku.

Predsjedavajući je konstatovao da je sa 44 glasa za, četiri suzdržana glasa i dva glasa protiv, Dom naroda prihvatio sljedeći:

Z A K L J U Č A K

Dom naroda Parlamenta Federacije BiH poziva Vladu Federacije BiH da u parlamentarnu proceduru dostavi Prijedlog izmjena i dopuna Zakona o pomilovanju u smjeru da se onemogući pomilovanje osoba za čiju molbu za pomilovanje su nadležni sud i Federalno ministarstvo pravde dali negativno mišljenje.

S obzirom da je Izvjestaj dostavljen radi informisanja, predsjedavajući je konstatovao da je Dom naroda Parlamenta Federacije primio k znanju Izvjestaj predsjednika Federacije BiH o donesenim odlukama o pomilovanju pravosnažno osuđenih osoba u 2022. godini.

8. Informacija o stanju sigurnosti - kriminaliteta na području Federacije BiH za period januar - decembar 2022. godine

Informaciju o stanju sigurnosti - kriminaliteta na području Federacije BiH za period januar - decembar 2022. godine Parlamentu Federacije BiH dostavilo je Federalno ministarstvo unutrašnjih poslova.

Izvještaj su razmatrala nadležna radna tijela.

Ministar unutrašnjih poslova Federacije BiH, gospodin Ramo Isak, je obrazložio informaciju.

U raspravi niko nije učestvovao.

S obzirom da je Izvještaj dostavljen radi informisanja, predsjedavajući je konstatovao da je Dom naroda Parlamenta Federacije primio k znanju Informaciju o stanju sigurnosti - kriminaliteta na području Federacije BiH za period januar - decembar 2022. godine.

9. Kvartalni izvještaj o dugu Q4/2022

Vlada Federacije BiH je dostavila ovaj izvještaj radi informisanja.

Izvještaj su razmatrala nadležna radna tijela.

Tonka Kozarić, predstavnica federalnog ministarstva finansija je obrazložila izvještaj.

U raspravi niko nije učestvovao.

S obzirom da je Izvještaj dostavljen radi informisanja, predsjedavajući je konstatovao da je Dom naroda Parlamenta Federacije primio k znanju Kvartalni izvještaj o dugu Q4/2022.

10. Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 25.04.2023. godine

Vlada Federacije BiH je dostavila ovaj izvještaj radi informisanja.

Izvještaj su razmatrala nadležna radna tijela.

Gospođa Tonka Kozarić, predstavnica federalnog ministarstva finansija, je obrazložila Izvještaj.

U raspravi niko nije učestvovao.

S obzirom da je Izvještaj dostavljen radi informisanja, predsjedavajući je konstatovao da je Dom naroda Parlamenta Federacije primio k znanju Izvještaj o zaduženju

Federacije Bosne i Hercegovine po osnovu emisije trezorskih zapisa (6M) na dan 25.04.2023. godine.

11. Izbor i imenovanja

- **Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH;**

Budući da je Igor Stojanović izabran za potpredsjednika Federacije BiH, te mu je prestao mandat delegata u Domu naroda Parlamenta Federacije BiH, izvršena je izmjena ove odluke.

S obzirom da je Vesna Saradžić izabrana za predsjednicu Kluba delegata srpskog naroda, Komisija za izbor i imenovanja Doma naroda je sačinila Prijedlog odluke o izmjeni Odluke o izboru članova u Komisiju za evropske integracije Doma naroda Parlamenta Federacije BiH, kojom se za člana Komisije imenuje Vesna Saradžić, umjesto Igora Stojanovića.

Predsjednik Komisije za izbor i imenovanja, Milan Ševo je obrazložio prijedlog odluke.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 50 glasova za, dva suzdržana glasa i bez glasova protiv donio Odluku o izmjeni Odluke o izboru članova u Komisiju za evropske integracije Doma naroda Parlamenta Federacije BiH, kojom je za člana Komisije imenovana Vesna Saradžić umjesto Igora Stojanovića.

Sjednica je završila sa radom u 16 sati i 5 minuta.

* * *

Transkript sjednice čini sastavni dio Zapisnika.

* * *

SEKRETAR
Izmir Hadžić

PREDSJEDAVAJUĆI
Tomislav Martinović